

欽定剿平三省邪匪方略

正編

九

四

Vertical text on the left side of the page, likely a title or chapter heading.

Vertical text on the left side of the page, likely a title or chapter heading.

Vertical text on the left side of the page, likely a title or chapter heading.

Vertical text on the left side of the page, likely a title or chapter heading.

欽定剿平三省邪匪方略正編卷二百十五

庚申年

十一月初八日

丙戌

倭什布奏言查高二馬五大

股賊衆經

臣

等在溢水痛剿後卽亡命逃竄由

楊家牌樓小文峪河魯家坡等處直向西南奔

竄沿途搜獲程志興等十四名僉供高馬二掌

櫃因陝省兵多又擄不出糧石纔到湖北不料

馬兵利害連次擊敗前日在溢水地方被官兵

殺死許多矛子手後面追兵又緊是以不敢行
走大路連夜翻山緊走我等因黑夜落後想等
官兵過去再走等供查該犯等係積年猾賊當

卽一併正法

臣

與明亮等商該匪翻山亂竄若

不分路兜攔不能痛加剿戮適接長齡來咨已

帶兵抄往鮑家店一帶迎頭截剿東北二百既

有鎮臣德昌在黃 比灘帶兵堵禦又有長齡統

率勁旅抄前迎擊該匪斷不能東竄惟二竹一

帶道路綿長必須四面扼截方能有濟臣當與

明亮分路各帶馬步官兵緊躡賊蹤不與以暇

十九二十等日臣由竹山之談家溝一帶截擊

明亮由竹谿之得勝坡等處攔剿兩路官兵跟

蹤躡逐二十一日至覃家坪會合兩路擒殺賊

探曹健成等八十一名散出被擄難民李世奉

楊氏等二百十七名口均係附近甫經被擄良民隨交候補同知阿霖候補縣丞周以焯逐加撫卹發給路票釋回不使失所該匪經我兵逼剿緊急行走倉忙沿途拋棄騾馬器械糧食不少其所過之處並不焚燒房屋二十二日已由竹山屬之周家灣一帶分起由銅錢關逃回陝省向白河西南奔竄臣同明亮正在追剿間途

次小河口據叅將姚國梁稟報自陝省平利屬
竄來一股賊匪由八卦廟松杉河一帶焚掠賊
探已至連線河明亮當卽帶兵趕至距連線河
十五里之黑龍洞天色已晚據前探報稱該匪
等聞有大兵到來連夜翻山走羅筐巖到竹谿
河屯紮明亮卽於三更率領富翰塔津保恒坤
總管都當阿協領依桑阿等帶領馬隊乘夜衝

撲賊營

臣

倭什布督率侍衛雙福花尙保副將

吉林秦朱士奉叅將烏爾卿額等督兵接應至

五更時分明亮督兵甫抵草場壩卽遇拏哨賊

匪驚賊賊衆潰逃翻山四竄明亮乘有月色督

率馬隊射斃賊二百餘名生擒楊中林等四十

七名正在攪殺適

臣

帶兵趕到復斃賊匪數十

名該匪卽由七里溝翻界嶺出銅錢關奔回陝

境當卽提訊楊中林等供稱此股賊匪係高家
營高二掌櫃帶領只有一千五六百人怕與官
兵打仗聞得高三馬五已到湖北所以趕來找
尋合夥營中還有管事楊元帥袁元帥俱不知
名字昨夜被官兵衝散營盤不知去向我等是
矛子手等供當將該犯楊中林等三十一名均
卽正法其餘廖新客等十六名訊係被擄未久

概予寧釋查此股賊匪經官兵擊敗現由七里

關一帶遁回陝省相隔不遠勢必歸併合夥適

接長齡咨會已帶兵由東北赴界外截剿臣等

乘勝由西南進逼二十五日趕至陝省銅錢關

飛咨長齡夾擊合攻趁此賊氛殘敗趕緊會剿

集事以冀少慰

聖屢再臣遵

旨傳諭明亮據明亮望

闕免冠碰頭並稱明亮係滿洲世僕受

恩至重乃福薄糊塗謬存在楚顧楚之愚見未將兩

起賊衆緊追赴陝夾擊今蒙

聖訓嚴明惶悚愧悔無地自容復蒙

天高地厚之恩不卽從重治罪

賞給藍翎侍衛

宥過生成惟有竭此血誠隨同長齡認真堵剿以冀
稍贖前愆等情伏查明亮凡遇打仗殺賊從不
稍留餘力其兩次不行出境追剿因顧楚心殷
以致錯謬非敢有心取巧今蒙

皇上格外施恩明亮實知愧知懼理合據情代謝

天恩奏入

上命軍機大臣傳諭倭什布曰高二馬五在賊首中

最爲兇悍可惡今馬五股中復有高三附入必須
迅速搜捕此次倭什布等所辦尙好該逆等旣經
同竄陝境自必歸併合夥現在長齡已帶兵由東
北追剿倭什布等由西南進逼正可兩面夾擊痛
加殲戮倭什布等務須倍加奮勉協力會剿若能
將此二股賊匪在陝楚交界搜捕淨盡殲擒賊首
卽係伊等之功朕必加之重賞一俟此二股竄匪

辦竣倭什布係湖北巡撫應帶領廣東廣西之兵
仍回楚省邊境督率防堵其馬隊官兵皆係吉林
黑龍江勁旅自不應置之閒地專爲堵禦之用此
時川匪竄入陝省者股數較多需兵協剿明亮應
卽帶領馬隊並侍衛富翰等與長齡同赴陝省聽
候經畧調度至明亮本係

皇考所遺宿將是以朕疊加委任卽累獲愆尤朕猶屢

行寬貸非不欲加意保全如果此後知感知懼痛
改前非帶兵奮勉立功自効朕仍當加之重賞若
始終蒼猾性成復蹈故轍朕亦豈能以伊係舊人
會著微績遂廢

祖宗之國法耶著倭什布面行傳知明亮看伊此後之
福分如何耳

初九日

丁亥

上命軍機大臣傳諭長麟陸有仁慶成曰剿辦教匪大局總宜將各股賊匪逼入川省則賊勢不能散漫官兵得以併力剿辦年來朕與在廷諸臣均持此議蓋川省辦理團勇築堡等事極爲認真該處民人同心禦賊實能踴躍急公是以辦理較易卽該省民人忿賊日久亦深願賊匪竄入川境後可以痛加剿殺近日額勒登保德楞泰奏到之摺其

大意亦思逼賊入川乃各股竄匪皆不肯在川境

屯集卽被官兵逼剿緊急折而入川亦不過暫時

躲避旋即竄回就目前情形而論賊總在陝境爲

多可見川省團練認真爲賊人所畏憚而陝省地

方則民心散懈於團勇築堡等事不能實力奉行

任賊來往自如總由地方官不能善爲勸諭督率

辦理以致賊來多有裹脅而守禦事宜全屬有名

無實似此相率玩愒堵剿焉能得力朕思百姓之
久經從賊怙惡不悛者固無足惜至良善之民亟
應力爲保護俾各安生業不致去而從賊則安一

民卽少一賊數年來剿辦賊匪總爲安民人情孰
不愛生惡死彼去而從賊亦非得已皆由貪生耳

日見百姓流離朕所刻不能忍者該督撫不可不
仰體朕意也卽如陝省之龐洪勝本係南山內居

住平民並非賊黨前次一聞賊匪將至轉燒燬房

屋甘心投入賊黨亦由地方官平日不能安輯所

致著長麟陸有仁督飭親民之吏實心實力綏撫

良民務令得所卽曾經被賊裹脅悔罪投出者亦

當加意撫恤以期民心日固衆志成城賊匪之勢

日孤無從搶掠亦必凍餓自斃其鄉勇中有能禦

賊出力者卽當奏明獎擢若臨陣捐軀則更當倍

加賞恤俾共知鼓勵至於地方州縣果有盡心民
事者必當據實保奏候朕加恩若不肖劣員則嚴

行叅劾治以應得之罪不可稍存姑息庶地方官

及鄉勇等共知激勸不致仍前弛懈卽現在川省

地方亦豈盡皆賢員惟在鼓舞作興則人思盡力

該督撫又不可因有此旨將平口心喜之人率行

保奏冒濫邀功而實在出力者轉不知所勸勉至

川陝交界處所山嶺叢雜道路綿長豈能處處安
兵設卡卽圍築堡寨該省力有不能且現在大功
將次告成亦緩不濟急然賊匪經由熟路必有險
隘地方可以扼禦此事專責成慶成會同長麟督
辦總須就該省現有兵勇擇要防守以剿爲堵則
賊匪自不能闌入現在川省竄匪雖有數股折竄
陝境但俱係敗竄餘匪陝省兵勇現有數萬何難

奮力截剿慶成惟當督率將弁上緊兜擊將賊匪
逼入川境並於漢江南岸嚴密佈置不使賊匪一
名得以偷渡若再疎於防範致令賊匪踰淺渡江
必將伊等從重治罪決不寬貸慶成等一悞不可
再悞也再教匪自滋事以來焚掠村莊並不蓄意
佔據城池蓋緣賊匪慮及據守城池轉被官兵圍
困不能四散竄逃是以不敢擾及而府州縣等知

賊匪向無攻擾城池之事往往一聞匪衆竄入境
內藉守禦爲名卽將城門關閉任聽賊匪在城外
四鄉焚燬房屋擄掠人畜並不督率兵勇前往救
援使村民橫遭荼毒殊堪憫惻况城外鎮市郵莊
多有人烟稠密之處其富商大戶較之城內居民
或有更爲殷實者若楚之樊城陝之龍駒寨蜀之
太和鎮皆非城內而被賊殘害皆朕子民地方官

不爲保護賊匪豈不肆掠而去總緣府州縣等以
城池失守律有明條而殘燬郵莊向不追問遂視
同膜外置之不顧試思城外郵民偶有盜劫之事
該管官尙有應得處分何況遭賊焚掠其失於防
範之罪尙可恕乎著長麟陸有仁嚴飭地方文武
各員毋論城內城外均須認真防守如果有親率
兵勇出城奮力堵賊不使滋擾郵莊俾居民得以



安堵無虞卽將該地方官據實保奏朕必優加獎
擢倘一聞賊至心存畏怯仍前閉城自守致賊匪
將城外郵莊肆行蹂躪必當查出指名嚴叅治罪
用示勸懲

臣等謹案邪匪滋事有年其伎倆總在不據
城池惟向鎮市劫聚潛伺劫掠一遇官兵圍
躡卽復鼠竄狼奔是以不能聚而殲旃剿捕

集年三月十四日署江蘇卷三十三
三
稍稽實由於此我

皇上軫恤創痍如傷在抱

籌諮指示所以保衛民生者無所不至而小醜一日

未靖卽

聖心一日不寧此次因陝境賊匪較多以良民之去
而從賊皆由於愛生惡死之心

申諭該省大吏善爲撫綏鼓勵鄉民實力捍禦其有

邨莊被害者責成地方官設法堵擊程以功

罪此卽堅壁清野之法所以決勝千里者蓋

皆

睿謨之廣運不疾而速也

初十日

戊子

上諭內閣曰昨據額勒登保奏將營內投出之張效

元解京審訊據供於本年三月間同李廣榮袁有

得王應惠等携帶銀兩前赴喀什噶爾地方探望
邪教遣犯王發生該犯等行至肅州地方換票原
籍印票祇有李廣榮袁右得王應惠三人張效元
因票內無名嘉峪關盤查嚴緊該犯不能私自出
口從肅州折回蘭州到韓家店地方投入王廷詔
賊營嗣見王廷詔一股賊匪到處殺人放火肆行
掠食該犯曾向王廷詔勸令投首或可免死王廷

詔不依張效元害怕反悔逃出賊營至經畧軍營

投首當經降旨令保寧等截拏出口之李廣榮等

三犯審明具奏今據保寧奏將李廣榮袁有得王

應惠三犯拏獲錄取供詞呈覽朕詳加披閱該犯

等所供情節與張效元供詞均各相同惟該犯等

供係張效元之父張全使令伊等前往探望一節

張效元前此未經供出當經提訊張效元亦據該

犯供認不諱是張效元一犯本係習教之人聽從
伊父携銀欲往新疆探望同教匪徒因不能出口
折回投入王廷詔賊營種種不安本分實有應得
之罪但朕節經降旨從前曾經習教而並未從賊
者卽與齊民無異概免查辦若糾衆謀逆抗拒官
兵卽當一律剪除罪在不赦其自賊營投出者亦
無不一體妥爲安置今張效元雖經習教因在王

廷詔賊營內見賊兇橫其心害怕反悔投誠尙知
畏法稍有一綫可原張效元一犯着加恩釋放交
該部行文順天府派委妥員解至直隸所有經過
地方一體派員小心接遞至安徽省交與荆道乾
督同藩臬兩司將伊父張全傳到向其明白宣諭
以張全令伊子私自潛往新疆探望教匪王發生
本屬不法今因伊子張效元尙知畏懼從賊營內

身... 卷之三
三
三
投出不特伊子免罪卽張全應得罪名一併加恩
寬免令張全將張效元領回俾伊父子團聚嗣後
務須安靜守法各務農業毋許再有滋事如該犯
等不知悛改仍前糾約同教互相傳習煽惑愚民
一經發覺必當加倍嚴懲決不姑寬

臣

等謹案邪教之說託於荒誕不經鄉曲愚
民往往爲所煽誘迨至同教倡亂之後自知

湔被爲難甚至甘心陷於罪辟亦在所不免

我

皇上俯鑒氓蚩前於捕獲劉之協時

特降諭旨誅叛逆而不誅邪教固已使無知被誘之

人知所感畏而悔悟矣茲因張效元一犯雖
經習教而投至賊營旋知逃出首罪仰蒙

聖主格外施仁貫回原籍並將其父罪名一體宥免

咸與維新此雖庶頑讒說有不洗心而革面者哉

十三日 辛卯 額勒登保奏言竊 臣 由磚坪蘭河口

一帶前進於上月二十五日趕抵平利之白土

關查高馬股匪前由鮑家店逃竄經長齡帶兵

截剿雖未深入楚境尙在竹谿白河界內游奕

而龍紹周苟文明等股竄主安康平利地界楊

遇春溫承惠分路帶兵輒轉截剿隨時擒斬賊
匪或數十人或一二百人不等總遏其東趨之
路該匪向西逃往滔河一帶二十二日師次豐
口壩又探有賊匪一股竄至長沙舖亦欲向白
土關東竄楊遇春等聞信連夜督兵由羅河
抄出賊前二十三日天明時前隊探信兵勇甫
到白土關遇見賊探七八騎經兵勇等擒獲四

人訊稱此股卽係徐添德與前由石泉過江南
竄之伍逆餘黨曾芝秀等數百人在洋溪河合
夥因川陝艱於擄食官兵又緊追勦殺故繞向
東北要過白土關仍赴湖北等供楊遇春以該
匪旣知我兵在前攔截未必肯由此路前來勢
必折向碾盤石壩河遶向東北而竄遂知會溫
承惠酌帶鄉勇於白土關山梁施放鎗礮故作

聲勢楊遇春格布舍豐紳各率侍衛將領帶馬
步兵勇由嚮潭河孟溪溝老虎溝長岡嶺分投
抄出午後先後趕到壩河果見該匪結隊竄來
楊遇春等率兵迎擊該匪始猶抗拒後見我兵
勢猛卽折回奔竄我軍乘勢追殺四十餘里斃
賊三百數十名箭斃僞副元帥陳添保生擒探
馬頭莫榮周志林等六名散賊二百六十四名

餘賊向清潭溝逃竄查清潭溝路通金河仁河
皆係入楚之路次日五更仍帶官兵赴董家梁
抄截約行二十餘里至廣木溝又有賊匪自連

綫河竄來楊遇春與格布舍豐紳分路進溝截
殺該匪糾衆搖旗吶喊自嶺下壓我兵奮力攻
擊斃賊二百餘人生擒賊匪一百餘名內有賊
日黃國忠等五名又自行散出就近被擄民人

一百餘名訊知此係前由高家營內分出與戴家營合竄之賊自西鄉地界被官兵剿潰之後近日又與戴家營分夥由滔河一帶潛遁意欲尋高馬二逆同竄湖北等語格布舍豐紳仍帶兵跟蹤搜剿前進沿途搜殺賊匪又有百餘名

臣查詢情形如此旋據楊遇春報到亦屬相同

查賊匪總在陝楚邊境奔逃臣若徑尋蹤進剿

竊恐該匪聞風疾走轉致逼令東趨必須帶兵
前往竹谿竹山由東北遶向西南迎勦較易得

手遂酌留總兵喜明帶領兵勇在白土關暫駐

以資控扼臣抽帶馬步兵勇二千餘名卽取道

關埡入楚由竹谿周家灣安和塘一帶前進沿

途察探高馬各股賊匪正往東來臣由得勝舖

文峪河趕緊督兵冒雪前進一面札知長齡由

吉陽關抄出白河順水寺先於東面遏截賊竄

鮑家店之路

臣

於初二日翻界嶺晚間進抵燕

家扒探得賊匪從茅坪竄來相距四十餘里適

在迎頭遂詢明道路初三日四更時令札克塔

爾率同福忠阿副將陳尙德劉瑞百祥等帶步

隊由山梁進發

臣

率同安福捫欽保墨新王兆

夢張元麒烏爾希訥等帶領馬隊由溝內進發

已刻至棗樹嶺坡下遙望見賊匪蟻聚各山頭
已有準備而山勢又極高峻隨督飭官兵併力
上攻乃旁路又有賊匪下山冀繞出我軍之後

臣 亟令官兵分路抵禦正在攻擊間札克塔爾

亦帶領步兵順山到來一齊攻撲侍衛安福福

忠阿捫欽保墨新副將王兆夢叅將百祥遊擊

高萬春哈國瓏等帶領兵勇鼓勇而進鎗箭所

發斃賊紛紛遊擊哈國瓏躍馬衝入賊隊猝受
矛傷數處陣亡官兵人人憤恨進攻愈力搶上

山梁刀矛並舉斃賊三百餘名賊匪潰竄

臣督

飭官兵併力壓下適楊遇春格布舍慶溥等亦

由旁路之大山廟安家莊茅坪一帶追賊前來

遂與之合力趕擊沿山追逐四五十里天色已

晚卽傳知楊遇春慶溥等不必合兵畧爲停息

仍奮力窮追次日遂趕至皮家河界牌山

臣

亦

率兵由大雙河歇馬廠趕勦途間均有斬獲計

兩日共斃賊四百餘名先後生擒四百七十餘

名內訊出賊目董大位吳有法探馬頭饒成王

自強等十七名供稱此數股係高三馬五徐添

德王廷詔張賈元帥帶領陸續湊合乘此人衆

勢大要往湖北昨日被官兵趕殺我們不敢存

紮往前奔竄不料今日到茅坪來迎頭又遇官
兵等語訊明後將從逆者正法被脅者釋放凡
係賊目與探馬頭皆凌遲處死

臣

隨詢之楊遇

春格布舍慶溥等據稱日前該匪等先後竄合
因聞白土關有兵一股轉向三岔河狗脊關一
股又轉向磨溝其勢欲遠道潛遁楊遇春由四
溝壩追勦慶溥由亂木壩趕赴觀音堂均由大

石板抄出初二日午後兩路官兵趕到姚家河
賊匪甫經竄過馬步官兵併力追逐賊匪知有
兵來齊上山坡拚命迎拒我兵數路仰攻奮力
競進擒斬共計二百餘人皆係精悍矛手賊匪
仍向東向茅坪遁去楊遇春等紮營萬山寨昨
早帶兵趕來聞有鎗礮之聲是以催兵從旁路
抄出等語該匪現向西南折竄洵陽界內查徐

添德及高馬等股或分或合到處牽綴我兵實

爲可恨今該匪等均欲合竄楚境

臣

帶兵適扼

其前未任東竄趁此賊匪折奔之時惟有督同

楊遇春慶溥等顧住東北趕緊向西勦辦並飛

札長齡一面搜捕零星餘匪前來以便調撥仰

仗

天威如於洵陽平利安康一帶勦除一二股實爲幸

甚否則亦必將該匪逼向川境大兵合擊以期

迅速集事至冉學勝張世龍賊匪昨經臣帶兵

在斑鳩關截擊後由鐵佛寺繞溪河竄往楊柳

樹泰山廟經額勒亨額於上月二十一、二等日

帶兵截勦向西鄉地界竄去所有陝省西南一

帶防堵事宜長麟慶成現在會籌趕辦諒該匪

等不致蔓延至疊次打仗兵勇間有傷亡容另

查明咨部辦理

會同地保

查明

額勒登保又奏言竊查現在各股賊匪經大兵
隨處勦殺且因川陝辦理防堵及團勇結寨各
事均極周密賊匪艱於掠食均欲向楚境奔逃
查楚省房竹一帶疊嶂層山尙屬有險可扼至
均穀一帶則地勢平行益形散漫勦辦更形費
手臣實深焦慮是以此次親督官兵由二竹兜

向白河將賊匪逼向西南遁去第賊匪雖向西
 南其蓄意實在東北是此時防剿事宜實關緊
 要楚省邊境綿長在在與陝省接壤辦理亦非
 易事臣昨抵竹山之安和塘適倭什布明亮帶
 兵至七里關銅錢關一帶堵截西北面長齡帶
 兵由得勝舖分路探剿賊匪皆距臣不遠長齡
 明亮先後來營會晤明亮屢奉

嚴旨萬分惶懼臣已將防勦事宜與之講論倭什布

明亮日內定已趕緊籌辦至楚省現有官兵計

數已不爲少大員內有明亮德昌孫清元等帶

兵往來督率楚省民風強勁若再加以團練則

聲勢益壯倭什布係湖北巡撫呼應皆靈自可

就近督率各屬妥爲趕辦至臣連日親歷二竹

境內見民人寨落不如川陝之稠密自係賊匪

一向奔竄不能修築今賊已出境正當趁此時
辦理庶使百姓有以自衛賊匪不能肆其擄掠
卽可杜其窺伺再向來官兵所需糧餉每逢追
賊緊急亦有不繼之時此後官兵分段防堵鹽
糧亦須分路源源供給使之衣食有資方可以
得其心而用其力至長齡所帶兩粵官兵自應
留楚分佈防堵其馬隊皆係勁旅未便全留爲

防勦之用臣已札知長齡帶兵搜捕餘匪前來

俟到營後與之商定再行奏

聞奏入

上命軍機大臣傳諭額勒登保曰高馬股匪經長齡帶兵截勦在竹谿白河界內游奕龍苟等股竄至安康平利地界經楊遇春分路截擊已向西逃而徐添德一股又與伍逆餘黨曾芝秀等合夥繞向

東北奔竄並有高家營內分出與戴家營合竄之
賊在西鄉勦敗後復與戴家營分夥由滔河一帶
潛遁欲尋高馬二逆同竄湖北雖經官兵分路追
勦殲戮多名但訊據賊目供稱高二馬五徐添德
王廷詔及張賈各賊日奏合匪徒欲乘此人衆勢
大前往湖北看其情形自因川省團勇築堡防堵
嚴密不敢竄入陝省又值收成歉薄難於掠食總

思乘間闖入湖北以圖延喘額勒登保抽帶馬步
兵勇入楚由竹谿一帶前進適扼其前並顧住東
北趕緊向西勦辦所見甚是而此時湖北堵禦尤
爲十分緊要額勒登保已與倭什布明亮會晤將
防守事宜面爲囑咐現又降旨諭令姜晟等督飭
各屬嚴密防範額勒登保務須乘各股賊匪潰敗
之時合力奮擊卽於陝楚之交勦除淨盡必不得

已亦應逼向川境以期大兵會剿於年內一律辦竣迅速成功早來見朕切勿再有因循至再學勝一股前據慶成奏該匪等由瓦脊溝偷渡折竄江北今額勒登保摺內未據提及自係尙未得信再學勝剿敗餘匪不過數百人卽與伍逆合夥亦祇千餘人慶成已札會汪啟帶兵迎截穆克登布在南山剿捕伍逆餘匪亦可就近截擊並有桑吉斯

塔爾緊躡追勦兵勇共有七千何以至今尙未勦
竣柔吉斯塔爾穆克登布汪啟等究在何處作何
勦辦或伊等三人惟恐此股賊匪勦淨後又當派
往別路勦賊卽心存觀望與賊日久相持俟各路
竄匪勦盡而伊等亦同時告竣此等軍營積習亦
難保其必無着額勒登保嚴行飭催令伊等三人
奮力擊勦尅期搜捕淨盡勿留餘孽倘竟有心延

玩卽行據實叅奏若剿捕不力或任賊匪竄入商
雒一帶則其罪更重必當按律懲辦決不寬貸再
恒瑞現在何處堵剿賊匪總未據提及從前恒瑞

奏報亦多粉飾或恒瑞染患疾病不能帶兵亦着
額勒登保查明恒瑞如一時未能就愈留住軍營
亦屬無益不妨據實奏明令其回至西安調養所
帶兵丁另行派人接管或卽交付慶成方可得力

至所奏長齡原帶兩粵兵丁應留楚分佈防堵一
節與朕前旨相符且前經降旨長齡令於勦淨高
馬二逆後卽赴經畧軍營聽候調度今各路竄匪
均欲合竄楚境長齡係宜昌鎮總兵自應在楚督
率防堵不宜遠離長齡所帶兵丁內吉林黑龍江
官兵俱係勁旅自當歸入經畧軍營以資勦捕其
兩粵官兵卽着長齡仍行帶領回至楚省邊界一

帶擇要防堵不得稍有疎懈所有此次殺賊陣亡
之遊擊哈國瓏著咨部賜恤

上又命軍機大臣傳諭姜晟倭什布長齡曰現在楚
省賊匪皆已奔竄出境但陝省無食可掠又有經
畧在彼督辦而川省勦賊緊急地方辦理團勇築
堡等事亦皆認真楚省邊界綿長在在與川陝接
壤此時各股賊匪節節官兵截擊逼向西南其意

總欲折回東北是楚省防堵事宜實關緊要况當

賊匪遠竄之時各處寨堡止可及時修補先事預

防姜晟倭什布身任地方定其專責長齡亦係本

省總兵現已諭知額勒登保將長齡所帶吉林黑

龍江勁旅令赴經畧軍營應用其兩粵官兵皆交

長齡帶回楚省會同倭什布孫清元德昌明亮等

擇要防堵楚省原有兵丁為數已不為少今又加

以兩粵官兵聲威更爲壯盛可以聯絡布置姜晟
等務須審度地勢於賊匪向來熟經之路扼要堵
禦毋令竄匪一名闖入至姜晟雖已調任直隸總
督但書麟尙未到任此時軍務地方皆仍係姜晟
之責倘存五口京兆之見有意觀望以致稍有疎
虞又令賊匪擾及楚境則仍准姜晟是問再湖北
所需餉銀本年由部庫及廣西河南先後發往者

爲數將及百萬皆不待伊等奏請先行籌撥此時
該省辦理防堵事宜駐守官兵爲數尙多應用糧
餉亦須源源接濟該省原領餉銀若干其支用者
共計若干核之現在官兵所需是否尙足敷用亦
從未據該督撫奏及現據額勒登保奏該省每逢
追賊緊急糧餉有不繼之時是辦理已屬支絀或
伊等以現在經費浩繁強作解事不敢奏請殊不

知軍行餉隨必須士馬飽騰方足鼓其銳氣倘稍形缺乏焉能實力禦賊是伊等所見者小而所悞者大並著姜晟倭什布將現在餉銀所存實數是旰敷用抑或卽須接濟之處速行具奏另候籌撥總期於事有益切莫鰓鰓過計錙銖較量也

欽定剿平三省邪匪方略正編卷二百十六

庚申年

十一月十四日

壬辰

陸有仁奏言竊

臣

馳抵漢中

於十一月初二日接印任事接據沔縣稟報前

竄回軍壩黃草坪之賊經長麟率同總兵楊奎

猷等帶兵堵截竄回南江之陳家巖等處現又

折至褒城屬之乾溝河並有另股零匪欲與竄

合總在通川老林左近潛匿長麟楊奎猷仍在

牟家壩銅廠一帶堵剿又洋縣稟報伍懷志零
股賊匪竄至盩厔屬之大尖溝總兵穆克登布
等帶兵由二郎壩一帶堵截又據西鄉縣稟報
賊匪冉學勝一股竄至西鄉之五塊石馬家灣
等處正遇慶成派往防堵之副將海洪阿等當
卽接仗海洪阿及守備穆克登布力戰陣亡慶
成得信同綸布春馳往截剿賊匪敗竄卽分爲

兩股一股折赴川界現復回至西鄉楮河一股
於二十六日由瓦脊溝跣淺渡江慶成卽派綸
布春跟追並知會長麟挑派兵勇前往會剿又
苟鮮王徐等逆由西鄉漁渡壩竄至毛埡塘其
龍紹周一股亦竄入西鄉之小河口慶成現與
阿哈保分布堵截又興安府稟報二十五日賊
匪一股在郡城正東五樹埡曹子埡一帶焚掠

距城六十里該府周光裕現派壯丁馳往堵截
又平利縣稟報賊匪數千人於二十一日夜攻
撲縣城該縣任奎光同因公在城之知縣汪玉
衡及武弁等分督教佐民夫竭力用鎗礮轟擊

直至黎明始行擊退斃賊八十餘名執旗賊目
十餘名鈎獲雲梯十數架卽回東南女媧山奔
竄並據陝安道朱勳稟報二十三、四等日提督

楊遇春於平利之到草街廣木溝等處將兩股
賊匪痛剿大獲勝仗額勒登保挑帶兵丁於二
十五日由平利白土關馳赴竹谿與楊遇春分
路夾擊大營仍紮白土關各等因臣查平利與
安之賊如果情形著重經畧近在咫尺自必馳
回督剿斷不致任其蔓延其褒城邊界零星賊
匪一見官兵卽行逃避現經長麟楊奎猷帶兵

堵剿自亦不致竄越惟西鄉賊股較多慶成阿

哈保現有兵力尙覺稍單諒已稟知經畧另行

添派至過江之賊慶成雖已知會長麟酌帶兵

勇馳往協同綸布春剿辦並經臣飛咨穆克登

布汪啟等相機截擊但聞冉學勝素稱狡悍於

南山路徑最為熟悉誠恐竄至東北則商州所

屬及近省峪口皆須預防臣已分投飛飭嚴密

堵截並將各路糧餉源源運供斷不敢稍有缺

誤

陸有仁又奏言竊思結寨得宜可以堅壁固守

團勇得力可以禦賊衛民兩者俱爲急務陝省

結寨之事自上年松筠那彥成台布飭辦至今

歲夏間完竣臣入棧後沿途查察一廳一縣境

內結寨至數十處不等有距最高山頂結構完

固自成天塹內可存數千人者亦有在山勢不
甚陡峻之處潦草結成僅容數百人及百餘人
者在山高人衆之寨聲勢旣壯又復有險可憑
卽無官兵亦能自守此等守寨之人卽不使再
令守卡惟平行小寨人力旣單又無險要可據
一經敗匪攻圍官兵不能朝發夕至不惟藉資
盜糧兼恐盡遭屠戮轉不若散處村落者之尙

易奔逃是結寨一法又必須急籌善計也

臣現

在派委妥員分投確勘凡有寨低人少不足深恃者卽酌量捐資協助令移於險要山巔或歸併近處大寨以杜賊匪窺伺倘就近旣無大寨可歸而形勢斷不足恃者則與其守寨而受困無寧合力以守卡統俟查勘到日另行籌辦至於團勇事宜向有官兵民勇之別如派出各路

隨征及調撥守江守卡長久用其力者是爲官
勇當雇募之初卽須給與安家銀兩並日支口
食添補衣履等項費用較繁而得力者實與勁
兵無異此等鄉勇皆从隨軍營慣於打仗卽分
守各處汛卡亦係練習技藝并熟悉地勢情形
之人且並非伊本鄉自應官給分例至各村各
堡自爲團集賊近則聚賊遠則散者是爲民勇

俱係自食其力不肯輕去其鄉陝省峪口一帶
似此民勇頗多而惟川楚邊界賊匪出沒之處
向來認真團練此等地方廣濶至二三千里卡
隘甚多若必處處以官勇防守不但所費不貲
抑且人數旣多焉能逐加訓練於事實屬無益
臣再四思維惟有責成地方官專辦民勇現已
分飭各處先將路通川楚地方親身履勘其來

路逼窄可以塞斷者卽用木石堵塞有險可守者立卽挖濠築壘以資捍衛一面勸諭各該處紳衿及生監人等招集居民選派壯丁練習技藝一遇賊匪竄近立卽飛赴隘卡堵禦該民勇等自顧身家自必十分出力較爲可恃如遇賊已遠去仍可各歸農業果能奮勉出力截住賊蹤許以懇

恩嘉獎如此處處布置使賊匪不能一到卽過臣再

與長麟面商各路防守官兵擇臨近緊要之地

分隊駐紮爲犄角之勢一遇賊來不待入境卽

可帶兵迎剿庶賊匪進退維谷立見窮蹙而兵

勇聲勢亦可隨處聯絡至戰守之兵有尙形單

薄者自須隨時增給官勇以資派撥臣現在遴

選熟諳行陣信實可靠之首領等令其招募壯

健得力鄉勇一二千人官給口食逐日派令鎮
將勤加操練必使鎗礮刀矛技藝件件精熟以
資添赴各營之用仍隨時酌量情形如賊蹤漸
遠各路官勇有可裁撤者卽當酌減務期堵剿
實有裨益而餉項絲毫不致虛糜以仰副

聖主諄諄訓誡之至意奏入

上命軍機大臣傳諭陸有仁曰陸有仁奏結寨團勇

情形所論皆是但此以堵之說必須實力辦理方爲
有益卽如前此那彥成長麟台布於初到陝時亦
未嘗不知以防堵爲重於結寨團勇等事娓娓陳
奏其後總未實力辦之仍任聽賊匪奔突自如所
謂堵之一字不過僅託虛言毫無實效試思防堵
如果得力則界外之賊豈能一名闖入卽間有逸
入者亦不能更竄他處又何難盡力追剿陸有仁

既爲此奏知以防堵爲重一惟當督率所屬認真經
理言行相符方爲實力毋僅以一奏塞責也又另
摺奏報各路竄匪情形與經畧等所奏皆合此時
陝省褒沔西鄉等處各股賊匪業已零星敗竄又
有將領跟追自可不致肆擾卽平利興安之賊經
畧近在咫尺諒能督辦惟中山學勝一股賊匪過江
以後該匪於南山路徑素爲熟悉兼恐與伍懷志

一股竄合不可不加意嚴防昨據慶成奏派令桑
吉斯塔爾穆克登布汪啟等合力堵剿已諭令額
勒登保督令上緊剿辦所有商雜等處關係緊要
陸有仁尤當留心督飭地方官團勇結寨嚴密巡
防不得稍有疎懈致令乘間東竄爲要

十五日^{癸巳}長麟慶成奏言竊^臣等在洋縣面商

一切防堵事宜後^臣慶成當卽馳回西鄉^臣長

麟亦卽趕赴南鄭褒城沔縣寧羌一帶恒瑞在

西鄉南鄭兩縣交界之鍾家溝一帶分投照料

防堵臣長麟當派總兵觀祥在牟家壩駐守並

防附近各卡隘總兵楊奎猷在鋼廠駐守兼防

附近各卡隘臣長麟居中策應旋據寧羌營遊

擊王興朝稟報有賊匪一股已至寧羌州之大

桃樹一帶奔竄臣長麟當卽撥兵五百名交守

備李懷玉隨同遊擊王興朝趕赴附近大桃樹

之毛埡子地方堵剿去後賊匪自大桃樹照圭

河突至毛埡子山下直撲上山該遊擊等鼓勵

兵勇鎗礮並施並用滾木壘石擊打賊匪卽退

回對面山梁遍放號火勢甚猖獗該遊擊等差

人下山潛探對面山梁號火盡是虛放賊匪俱

在山旁深林內埋伏似欲誘令官兵追至卽可

突出掩殺該遊擊等探破賊計傳令兵勇掩藏
旗幟徐察動靜候至半夜賊匪見無官兵墮其
奸計齊聲吶喊直來攻撲兵勇鎗礮木石一齊
施放擊斃賊匪十餘人帶傷賊匪甚多仍竄回
大桃樹原路賊匪不能北竄次日黎明復奔至
毛堖子山下搶過蒙子灘河向西奔竄該遊擊
等隨即帶兵自中梁衝下並傳知香爐山馬鞍

山兩寨鄉勇分左右衝壓乘賊半渡極力撲殺
賊匪捨命撲水淹斃數人兵勇亦卽過河追殺
賊匪竄向觀音壩一帶係通川省廣元縣野人
村之路官兵因聞後路尙有賊股未敢離汛遠
追旋又據總兵楊奎猷報稱賊匪一股約二千
餘人於初二日由沙河竄往沔縣所屬之乾溝
河一帶滋擾請兵前往策應

臣

長麟當派革職

副都統防禦銜和興額叅將張應魁羅全亮等

帶領馬步兵勇一千餘名前往附近乾溝河之

唐口子白巖河等處截擊甫經出隊又據副將

舒隆阿報稱賊匪千餘人在南鄭縣屬之大石

埡對面山梁窺伺勢將撲卡亦請分兵策應臣

長麟又派遊擊馬忠都司張聯奎帶領兵勇一

千餘名前往大石埡截擊臣長麟亦即督同副

將蕭福祿叅將韓自昌等分赴各路督催接應

初三日辰刻和興額等馳抵乾溝河地方探知

賊夥相距僅四五里之遙當卽催兵疾進賊匪

已蜂擁前來官兵奮力迎撲賊匪並不接仗輒

卽回頭奔竄官兵料有埋伏一面緊追一面防

範趕至五岳壩地方忽見左右山旁伏賊撲出

分爲三路迎敵和興額及守備朱保帶領馬兵

直衝賊隊射斃賊匪數人叅將張應魁把總金玉彙五品頂戴軍功首領胡文秀帶領鄉勇從中路撲殺叅將羅全亮都司郭洪守備宋英帶兵從左手山梁截殺都司朱章守備張應昌帶兵從右手山梁截殺賊匪捨命抗拒三路兵勇施放連環鎗礮擊斃執旗賊匪五人戰手三百餘人賊匪紛紛竄回官兵直前趕殺追至毛家

水井賊匪搶土對面大山絕頂合聚一處恃險

併力抵禦張應魁金玉彙胡文秀首先帶領鄉

勇自下仰攻官兵一齊撲上賊匪不能抵禦復

由山後奔竄兵勇乘勢追殺又斃賊匪數十人

生擒賊營管事大頭目一名矛手十三名逃出

被裹難民數十人奪獲騾馬牛隻烏鎗火藥旗

矛甚多當官兵追殺之時又有矛手二十餘人

藏入路旁草房內官兵瞥見隨即點火燃房將
藏匿之賊全行燒斃餘賊俱遁入老林內計自
白巖河追殺至此天色已黑山中積雪甚深未
便再事窮追官兵皆行紮住大石埡一路賊匪
約有千餘人亦於初二日直奔大石埡卡隘業
將小卡攻破陣亡官兵數十名復來攻撲大卡
甚急副將舒隆阿帶兵迎擊立斃賊匪二三十

人奪獲白旗一桿賊匪攻撲愈力並不少退正

在危迫之際適臣長麟派往之遊擊馬忠都司

張聯奎帶領兵勇趕到奮力衝壓殺賊數十人

賊匪折奔梨樹坪林內初四日五鼓馬忠張聯

奎等仍帶兵勇前往搜追賊匪卽從二口灣翻

山竄往川境訊據拏獲賊目供稱名傅思貴係

四川岳池縣人其竄至白巖河賊匪係李裁縫

爲元帥與楊開第合夥共有二千餘人營內有
先鋒三人管事大頭曰三人我就是管事大頭
目因四川山內無食可採所以要來陝西擄食
其一股竄至大石埡之賊匪是阮正隴有一千
餘人我等一同商議分路齊到陝西計使官兵
不能策應不料被官兵打散等語餘無要供當
卽凌遲處死其餘牙手斃行正法逃出被裹難

民訊明遞籍安業是日又據探報賊匪數百人

竄至沔縣屬之西流河向板倉壩元壩子一帶

奔竄

臣

長麟復派遊擊劉滿貴帶鄉勇五百餘

名連夜趕往隨楊奎猷前赴元壩子一帶截擊

據報賊匪見有官兵不敢攻撲卡隘現又折向

乾溝河一帶奔竄

臣

長麟仍多差弁兵四路分

探該匪等竄抵何處卡隘卽撥兵趕赴何處相

機截殺務期四路兼顧隨處堵截斷不敢稍涉
踈虞致令賊匪闌入陝境連日各路打仗兵勇

間有傷亡容俟查明另行咨部至臣慶成自過

江追殺冉學勝賊匪後途次據報西鄉東南一

帶賊股較多勢不能趕緊折回西鄉堵禦適總

兵胡定泰亦奉調趕來卽派撥兵勇交該鎮帶

領前往十字路堵截並派總兵九十帶領兵勇

前赴堰口堵截臣慶成帶兵前往板橋堰居中

策應賊匪見數路官兵扼住要隘其苟文明鮮

大川及王徐等逆卽由三元梨壩折竄馬家壩

龍紹周一股亦竄往太平皮貨舖未致深入滋

擾其前此過江北竄之冉學勝一股賊匪臣慶

成恐汪啟一路官兵不敷剿辦又挑撥兵勇九

百名馬隊一百名交綸布春帶領過江追擊前

札派現在山內防堵之候補通判雒昂帶領鄉

勇三千名由五郎一帶堵剿

臣

長麟亦派遊擊

綽克圖守備何萬金分帶官兵一千餘名就近

趕入南山隨同綸布春汪啟等剿辦並飛飭臬

司王文湧帶領鄉勇在棧道及南山北面相機

防堵近據探報綸布春汪啟已由洋縣及老關

口等處迎剿雒昂亦由淌手河兜擊俱已趕上

賊蹤不致散漫至穆克登布等所剿之伍懷志
股匪僅四百餘人現在洋縣三岔河屯聚穆克
登布由厚畛子一路兜圍桑吉斯塔爾等由華
陽二郎壩一路截殺日內已緊逼賊屯設法轟
擊因賊匪深入老林總不與官兵接仗是以尙
未得手一經轟出無難就地剿滅再查此次出
力各員謹開單呈

覽又褒城縣知縣汪銓前於署留壩同知任內會同
候補通判雒昂先後打仗三次殺賊多名嗣經

臣長麟調至軍營辦理糧務該員籌備周妥從

無貽悞此次四路分兵禦賊該員來往各前敵
供運軍糧俱能充裕實為奮勉出力可否量予

鼓勵之處出自

鴻慈奏入

上命軍機大臣傳諭長麟曰川省賊匪在寧羌州之
大桃樹一帶奔竄經長麟派撥弁兵趕赴毛堖子
地方奮力剿殺賊匪竄向觀音壩一帶此股係何
賊目何以未據奏及其竄至乾溝河之賊目李裁
縫楊開第因川省乏食欲闖入陝境擄掠又阮正
隴一股在南鄭縣屬之大石堖山梁窺伺攻撲卡
座均經官兵奮擊共殺賊四百數十人餘匪翻山

竄往川境其竄至沔縣之另股賊匪亦經長麟派
兵截擊所辨尙好長麟著交部議叙但此數股竄
匪雖經截阻川省不致深入陝界而前此過江北
竄之冉學勝一股尙未剿竣此股賊匪最爲屢念
冉學勝剿敗夥匪不過數百人卽與伍逆合夥亦
有千餘人而桑吉斯塔爾穆克登布汪啟等所帶
兵勇共有七千况續經慶成派令綸布春帶領馬

隊兵勇一千名候補通判羅昂帶領辦勇三千名
由五郎一帶截剿長麟又派遊擊綽克圖等帶兵
一千餘名趕入南山協同剿辦是此一路共有兵
勇一萬二千餘名以十倍賊匪之兵力剿此潰敗
之賊有何難辦乃迄今尙未竣事若非帶兵各員
有心逗遛卽係長麟等所報兵數不實或藉爲開
銷地步二者必居一於此前已諭額勒登保將桑

吉斯塔爾等三人是否心存觀望慮及此股賊匪
剿竣又當派往別路剿賊故與賊匪日久相持之
處令其據實查奏此時長麟慶成當再嚴行督催
務令伊等併力合剿剋期搜剿淨盡勿留餘孽倘
再有延玩或任賊匪竄入商雒一帶必當按律治
罪決不寬貸至苟文明龍紹周等股昨據額勒登
保奏竄至安康平利地界經揚遇春等截剿已向

西逃竄王徐等逆亦奏合匪徒欲竄入楚境至鮮

大川早經德楞奏報殲斃今長麟奏稱鮮苟王

徐等股折竄馬家壩何以又有鮮大川之名恐又

係謊報而龍紹周一股據稱竄往太平又與經畧

所奏不符並著長麟確查此數股究在何處奔竄

何以賊股內尙有鮮大川一股是否係該匪餘黨

一併據實具奏

上諭內閣曰革職副都統防禦銜和興額前經獲罪
今深知愧奮打仗出力著陞授佐領遇有缺出卽
行補用叅將張應魁帶領鄉勇攻潰賊匪尤爲出
力著加恩賞換花翎並著長麟知會經畧額勒登
保遇有軍營副將缺出卽行陞補守備朱保千總
金玉彙著賞戴藍翎其五品頂戴軍功首領胡文
秀著加恩遇有千總缺出卽行補用襄城縣知縣

汪銓前於署留壩同知任內殺賊多名此次供運
各路軍糧俱能充裕亦著加恩遇有同知缺出卽
行陞補

同日

上命軍機大臣傳諭瑚圖禮曰吉慶奏廣東捐監銀
兩除補足封貯原數三十餘萬兩外尙餘銀二十
餘萬兩現在陝省軍務將次告竣善後事宜需用

較繁著瑚圖禮於捐監封貯及盈餘項下撥銀五十萬兩派委妥員迅速解往陝西應用

十六日

甲午

上命軍機大臣傳諭陝甘四川湖北各督撫曰現在川陝各股竄匪正值窮蹙之際亟應剿撫兼施俾始終怙惡者搜捕無遺而悔罪投誠者各安生業方足以散賊黨而輯民心速圖歲事惟近來川陝

各路軍營奏報內所稱被脅難民及從賊隊中散

出者不過以酌給銀米路票了事並未見實心撫

輯使之各遂其生此等投出窮民所得銀米無多

數日後口糧不繼饑餒難堪必仍思去而從賊是

以軍營中竟有拏獲賊匪搜出路票者試思伊等

節次奏報給予銀米路票之人不計其數而賊勢

總未見渙散其故實由於散而復聚朕屢經降旨

令各督撫專派賢員認真安撫並清查叛產酌給
難民勿令稍有失所反覆申論至再至三而該督
撫從未將如何酌定章程實力妥辦之處詳悉覆
奏各該督撫等多係由京員簡放外任京中各部
院大臣有奉旨特交事件斷無日久不辦之理若
稍逾期限必干處分何況此等關係軍務重大之
事耶且教匪俱係內地亂民非比征討不庭祇須

徵兵撥餉卽可完事當其抗拒官兵固殺之無赦
而一經散出盡屬良民必當隨時隨地設法撫綏
卽屬目前應辦善後之事若待大功一律告竣始
行經理則節次投出之民豈能久忍饑寒靜以相
待非轉於溝壑卽故智復萌似此因循玩愒何日
始能蕺事現在剿辦緊急正賊匪解散之時如果
安撫得宜多一民卽少一賊何患不剋日奏功而

該督撫竟視爲緩圖並不遵照節降諭旨悉心籌
議看來屢次所奏酌給銀米之處恐未必盡能給
發或預爲將來開銷地步其實招撫之事並未認

真辦理若云接奉諭旨後其中別有難辦緣由亦
應據實陳明設法妥議斷無將投出難民置之不
顧聽其流離四散無所歸著之理勒保長麟陸有
仁身任川陝督撫是其專責伊等接奉此旨後務

將現在作何撫輯應專派委賢幹之員如王文韶
楊蔭元福方積劉清等責令妥爲經理俾難民等
生計有資不僅爲目前苟且之計各處現在辦理
情形據實具奏勿但以空言搪塞致干咎戾再楊
蔭曾派往南山清查並刨挖溝濠如果辦理得法
賊匪卽不能任意出入現在該員究在何處辦理
何事並著長麟陸有仁查明遇便覆奏又湖北從

前剿捕賊匪之時投出難民亦復不少並未見該督撫將如何設法安輯情形具奏現在該省已無賊匪正當辦理撫綏事宜所有散出難民作何安插之處並著姜晟倭什布據實覆奏

十七日未
德楞泰勒保奏言查黃藍白三號及

樊人傑一股賊匪自經官兵於八臺山剿敗之後忽分數股向水古壩干江河白果壩王家壩

甘龍謙等處老林內四散奔竄其意總欲於萬

山之中牽綴官兵臣正擬分兵截擊緣後路漁

渡壩據報有徐添德苟文明自陝竄至而由楚

竄來後股線字號賊匪已從沙沱子闌入開境

又將擾及川東腹地必須先爲兼顧臣等當派

賽冲阿永寧帶兵兩路先行進山追剿樊逆等

股臣德楞泰由馬鬃嶺一路迎剿漁渡壩竄來

之賊臣勒保由七里溝一路探剿沙陀子之賊

均於二十四日先後發兵二十六日臣德楞泰

至馬鬃嶺探知陝來賊匪正在諸葛壩一帶滋

擾卽分兵三路截擊詎賊聞兵至連夜翻瑪瑙

山竄遁我兵僅追及賊尾殲斃三四十名擒獲

伍日美等二十三名訊知此股並非苟徐二逆

乃係楊開甲符曰明夥內剿剩餘孽賊曰楊奉

朝伍總兵帶有七八百人向在西鄉鹽場關遊

奕近聞徐添德要回四川遂假充該逆名號來

至太平境內

臣

德楞泰因目下賊氛潰散無論

著名與不著名之賊總須一律辦完當卽督兵

追躡二十九日追至大竹河地方正值匪衆踣

淺過河隨督溫春阿穆勒塔色爾滾馬瑜等帶

領馬步官兵儘力追趕該匪捨命狂奔殲戮並

淹斃二百數十名生擒男婦黃連秀韓嚴氏等

一百十七名口餘匪遁入黃草梁老林當據賽

冲阿永寧兩路先後稟報二十七八等日賽冲

阿一路官兵於水古壩地方遇見黃號徐萬富

一股殺斃賊匪一百二三十名生擒吳以福等

四十五名永寧一路官兵於邱家灣地方遇見

王士虎分出夥黨數百人圍攻該處寨洞該鎮

帶兵擊退斃賊七八十名生擒曾廷桂等七十

四名臣勒保於二十七日至七里溝探知線字

號股匪由長店房竄來並未敢至開縣大道係

翻雪泡山向雞鳴寺一路奔逸臣勒保卽連夜

督同薛大烈花品等由大灘口倍道抄出賊前

迎擊二十八日未刻至漢場河正值賊衆竄來

一見官兵竟敢佔住山梁吶喊抵敵我兵奮勇

直上鎗斃執旗賊目並馬步賊十餘名餘衆潰遁向明通井王家壩一路狂奔我兵追殺四十餘里沿途斃賊一百餘名生擒李玉潮等八十
六名訊知此股首逆係張金連與線字號餘匪
共有千餘人自湖北竄來找尋樊人傑等前股
之賊現欲奔赴城口一帶合夥等語臣等連日
在太平境內分路督兵打穴統計殺賊六百餘

名生擒三百四十五名搶獲賊旗鎗矛三百十

八件牛馬一百三十餘頭匹現獲之賊均各訊

明將從賊日久之黃連秀等二百十一名卽行

正法餘俱被擄未久各給銀米路票省釋又七

十五一路官兵先經臣德楞泰令其在通南邊

界扼要暫紮嗣據報稱十月十七日有楊開第

及李炳股內之賊竄至瓦子坪該提督卽於十

八日督兵前往截擊該匪恃衆抗拒經三路官兵奮力痛殲直追至南鄭境內花石梁地方殺死僞總兵張子訓田倅並夥賊二百餘名生擒

孫開榜等七十三名搶獲刀矛旗幟二百三十

餘件續據報稱該匪等在梅子壩經陝省官兵

截回由靈官塘竄至廣元大桃樹壩七十五恐

其奔竄保寧現已帶兵馳往截擊

臣等因太平

境內之賊日來被剿情急俱零星竄向東北城
口奔逸該處俱係老林在在與陝省安康紫陽
連界並通大寧開縣等處若以重兵前往追剿
不特老林以內糧運維艱且恐驅之入陝然亦
未便任其在山內遊奕是以臣等相約移營至
白果壩地方會同籌畫臣德楞泰卽統領馬步
官兵直趨城口偵探賊蹤如果有逸入陝境之

賊聞經畧額勒登保現在斑鳩關一帶相距非

遙正可約會兩面夾擊倘額勒登保已移師遠

去

臣

德楞泰亦當設法兜截回川老林路徑險

窄兵力難以施展總當驅之出山至太平開縣

境內痛加剿殺自易爲力至

臣

勒保因城口爲

川陝兩省交界賊匪出沒之所向無存糧均須

由太平運往刻下餉銀未到各州縣運腳大半

拖欠夫騾裹足不前大兵一進城口斷難枵腹
從事是以暫在後路太平官塘灣一帶駐紮督
率總理糧餉及地方臺站各員將夫騾等項雇
備齊全並設法籌措餉銀現已飛飭司道於省
城重慶達州三處向商民暫借銀數萬兩並咨
商陝楚兩省就近酌借俟粵餉及續撥餉銀經
過陝楚時卽行截還以期早日應用並商定俟

臣

德楞泰到城口後擬派總兵託雲泰帶領兵勇三千名在渡口場一路駐守以杜賊匪折竄老林之路惟因現帶之兵不敷分撥查副將褚大榮前令其在夔巫一路堵禦該處地勢散漫斷非千餘兵勇所能濟事況此時陝楚之賊方思逼入川境夔巫境內似不必設兵嚴防已令褚大榮卽由大寧取道核桃壩一路來至城口

倘有散賊潛匿老林可資搜捕臣勒保一面酌

留兵力暫駐太平後路籌辦糧運並策應諸路

川北一帶現有七十五在彼何處有賊卽往何

處截擊并令督辦江防不致稍有疎懈其前次

打仗出力各員臣等謹開寫名單進呈伏候

施恩鼓勵奏入

上命軍機大臣傳諭德楞泰勒保曰此次賽冲阿永

寧先行帶兵追剿樊逆等股德楞泰復與勒保分
路截剿漁渡壩沙沱子兩股賊匪在大竹河漢場
河地方各奮力追剿俱有斬獲共殲賊六百餘名
生擒三百四十餘名其七十五一路有楊開第及

李炳股內之賊竄入瓦子坪一帶自卽係長麟所
擊退者亦經官兵奮力痛殲殺死賊目及夥賊二
百餘名生擒七十三名所辦甚好其巫夔一帶旣

去賊蹤較遠自應將原駐之員移向要隘處所實力防堵惟所稱太平境內之賊被剿情急俱向東北城口一帶奔竄該處俱係老林在在與陝省連界德楞泰現趨城口偵探賊蹤約會經畧夾擊倘經畧移師遠去卽當設法兜截回川並驅之出山至太平開縣境內痛加剿殺一節賊匪等遁入老林路徑險窄兵力難以施展自應驅之出山以便

合力痛剿但必須設法逼剿使賊匪無可容身方可乘其散出上緊截殺殲除淨盡若僅托之空言與賊相持再閱旬日德楞泰又必以現在正值冰雪難以進兵爲詞而勒保或又以糧餉不繼駐劄籌辦互相藉口是驅令出山籌辦糧餉二語竟欲爲年內展限地步汝二人必欲效學魁倫在達州安坐度歲任賊匪摸樁耶轉瞬卽交春令青苗在

地賊又可擄掠充食剿捕何時完竣現屆年底不
過月餘若隔數日奏報一次止係殺賊若干名總
未能剿得一股似此怠惰因循恐難辭罪德楞秦
勒保務須各知奮勵逼賊出山痛加剿殺使糧運
源源接濟毋再延緩至兜截回川一語尤非易事
現在陝境賊匪俱欲竄楚不肯折回川境德楞秦
等剿辦川省竄匪尙不能一時撲滅焉能復有餘

力將竄向陝境賊匪兜截回川所奏仍係虛詞但
陝境之賊經額勒登保等大兵追擊窮竄入川若
川省官兵不過驅出川境於剿捕大局仍屬無益
德楞泰等固不能越境兜截然遇有竄川之賊卽
當奮力截殺不使一名折回陝境方爲無分畛域
至所奏現獲被擄民人各給銀米路票省釋一節
此等難民最宜安撫得所方不致仍思去而從賊

各路軍營奏報往往僅以酌給銀米路票了事究
委何人承辦作何安頓之處總未奏及恐係有名
無實昨已降旨飭諭各該督撫等專派賢幹地方
官員實力經理務期撫輯得宜多一民則少一賊
以散賊黨而輯民心勒保當遵照昨旨督率妥辦
毋僅以一奏卽爲完事也至川省餉項近又撥解
銀六十萬兩極爲充裕如餉銀未到勒保當行文

沿途催令速解自可無慮缺乏也

同日

上諭內閣曰德楞泰勒保遵將打仗出力各員開單
進呈頭等待衛花品著賞給多克希特巴圖魯名
號吉林委防禦領催富爾松阿賞給德勒格鈎巴
圖魯名號黑龍江委叅領驍騎校哈馨察賞給武
魯克特依巴圖魯名號仍照例均著各賞銀一百

兩其領兵之副都統溫春副都統銜阿穆勒塔色
爾滾提督賽冲阿總兵薛大烈馬瑜頭等侍衛阿
納保達勒精阿富僧德二等侍衛慶昌三等侍衛
塔什拉佐領阿納庫協領明德委協領穆騰額委
叅領防禦達椿扎呼岱防禦額楞保額外驍騎校
額勒登額委官領催長載總管遜多保委管總額
外總管副總管富登阿委管總佐領蘇清阿西靈

阿委叅領佐領巴圖達什驍騎校依克臧阿額外
驍騎校巴揚阿佐領七十九副將蒲尙佐叅將李
應貴劉惟馨遊擊馬元何君佐都司向春煦涂陞
守備張紹緒馬成林等三十七員俱著交部議敘
其節次打仗殺賊最爲奮勉之副前鋒叅領武隆
阿著匠授頭等侍衛三等侍衛法依當阿著陞授
二等侍衛委叅領驍騎校舒隆阿著賞換花翎委

叅領領催那爾善叅將李廷臣遊擊廣福等三員
著賞戴花翎委官領催阿昌阿委官披甲額靈額
訥親保委驍騎校披甲庫德布委官披甲色伯克
扎布驍騎校烏永阿守備周士貴千總趙琴任映
剛把總李秀外委杜珠華戰兵余伸余占鰲鄉勇
謝錦章等十四員名俱著賞戴藍翎其在通江巴
州城口等處打仗殺賊最爲出力之留川委用從

九品徐若瀛著遇缺先儘補用義勇首捐職縣丞
劉炳著歸部選用通江縣壯勇頭鄧興文曠榮巴
州軍功張進思太平縣城口團勇張瑩冷光輝林
向暘等六名著以外委拔補名山縣典史署城口
主簿張雲漢力疾堵禦擊斃多匪首登擒賊目保
護寨落洵爲奮勇出力張雲漢著加恩賞戴藍翎
以示鼓勵

上又諭內閣曰前因德英額在巫山大寧等處防堵

不能將川東各股賊匪奮力剿辦迨黃號徐萬富等股賊匪衝出兩河口由八石坪竄往楚省德英額不能實力堵截以致賊匪卽向大寧奔竄又不奮力追剿祇將兵勇交李紹祖帶往德英額卽行轉回顯有畏難巧卸情事因令德楞泰等將德英額革職拏至軍營嚴訊並將所報傷痕親自驗看

據實奏明按例問擬茲據德楞泰等查明德英額
前在巫山等處帶兵防守係阿迪斯兩次派令移
駐維時該處並無賊匪是以未得剿辦尚非藉防
堵爲名一味株守及帶領兵勇赴水口堵截竄楚
賊匪實因衆寡不敵未能攔截且親驗德英額右
額角鎗傷結痂未脫左肩鏢傷較重現尙潰膿發
腫並訊知德英額受傷昏跌下馬經兵丁陶春榮

等背上山梁質之該兵供稱屬實尙非捏傷退縮
德楞泰等因德英額身受兩傷恐不得力是以另
派李紹祖赴楚專剿批令德英額回至本管營卡
並非自行退轉置身事外是其疎防之咎固屬難
辭但委因賊衆兵單兼身受兩傷尙非有心貽悞
且其歷次出師著有勞績德英額著加恩賞給遊
擊職銜仍留軍營帶兵自贖以觀後效

...

...

...

...

...

...

...

...

...

欽定剿平三省邪匪方略正編卷一百十七

庚申年

十一月十八日丙申陸有仁奏言查刻下各路剿

捕正在喫緊之時連日探得寧羌褒城沔縣邊
界之賊經長麟率同總兵楊奎猷等堵剿已於
五岳壩唐口子等處兩次接仗殲斃多人餘匪
尚在沿邊一帶老林潛匿又洋縣稟報伍懷志
零匪在該縣涼風垭大尖溝一帶奔竄穆克登

布等躡蹤追剿又前在瓦存溝竄過江北之冉

學勝一股由寧陝廳屬之四畝地竄至洋縣四

兒壩寒風洞一帶總兵汪啟通判雒昂帶領兵

勇堵剿並有慶成所派綸布春長麟所派叅將

綽克圖俱已先後帶兵馳往會剿又西鄉縣稟

報苟鮮王徐等股餘匪向西路馬家壩漁洞河

一帶奔竄慶成同九十胡定泰等在板櫬埡峽

口等處分投堵禦其東路龍紹周一股已竄至
四川太平之皮貨鋪地方又平利縣及糧員謝
國楨稟報提督楊遇春藩司溫承惠在平利之
長崗嶺蒙家溝一帶剿辦徐添德高二馬五合
夥之賊連得勝仗殲獲甚多賊匪由洵陽五道
梁奔竄並據經畧糧員陝安道朱勲等稟報賊
匪已至白河縣屬之冷水河額勒登保由洵陽

小河西壩一帶馳往督剿又安康縣稟報賊匪
一股由洵陽折竄至該縣之牛蹄嶺焚掠距興
安郡城十餘里現在嚴守城池並飛稟經畧等

撥兵至郡剿辦各等因

臣

詳核情形寧沔邊界

之賊經長麟督兵堵剿當不致令竄入其西鄉
各股餘匪有慶成九十胡定泰等分布防堵雖
兵力未厚聲勢尙爲聯絡亦可不致蔓延惟南

山以內既有伍懷志零匪未除又增冉學勝一股分竄則軍綴官兵合夥則賊數稍衆現經綸布春汪啟穆克登布綽克圖等各路官兵截擊

臣復嚴飭通判雒昂帶領鄉勇上緊堵剿賊匪

自不能東竄但刻下時屆嚴冬冰雪滿山兵勇未免倍形勞苦且糧運路徑紛歧尤關緊要

臣

實不勝焦灼現在督率各路地方官將糧餉竭

力設法趕運不敢稍有遲誤奏入

上命軍機大臣傳諭陸有仁曰南山以內有伍逆餘

匪未除又有冉學勝一股分竄則牽綴官兵合夥

則賊數稍衆朕因此甚爲焦急已屢降諭旨令額

勒登保嚴切飭催如桑吉斯塔爾穆克登布等有

逗遛觀望情事卽據實叅奏至陸有仁係該省巡

撫無帶兵之責但供支軍餉一團勇築堡安撫難民

等事皆其專辦昨以安撫一事屢降諭旨總未見

伊等將如何酌定章程實力妥辦詳細覆奏復經
降旨明白宣示令各督撫等妥爲經理陸有仁接
奉後務須遵照指示一面悉心妥辦一面據實覆
奏毋得視爲緩圖再有遲誤現在陝西軍餉不待
伊等奏請又已撥銀五十萬兩解赴該省存貯計
此項軍需已敷明年正月之用該撫務須加意籌

節核實支發俾軍營得以源源供支而經手各員亦不至侵蝕冒濫方爲妥善至各路軍營如探有打仗得勝切實情形仍應隨時附報具奏

上又命軍機大臣傳諭額勒登保曰陸有仁奏探報各路賊股與額勒登保長麟前後奏報相符額勒登保前在西鄉剿捕賊匪因高二馬五等逆在洵陽一帶滋擾最爲兇悍額勒登保遂由竹山竹谿

一帶兜剿固應如此辦理然額勒登保聲威素著

爲賊匪所畏懼其駐兵處所賊匪每聞風遠竄卽

如前此額勒登保駐劄西鄉該處卽不過零星賊

匪四處奔逃而一經移赴二竹現據長麟陸有仁

慶成奏西鄉縣稟報苟鮮王徐等股餘匪又向西

路馬家壩漁洞河一帶奔突又有冉學勝偷渡漢

江之事卽其明驗經畧總統軍務自應擇各股賊

匪中最要者親往剿辦但一經移師卽應預爲布
置交駐守之員遵照妥辦庶不致顧此失彼此次
額勒登保已離西鄉之後將堵剿事宜專交慶成
辦理而慶成未能先事預防以致冉學勝一股又
復偷渡漢江乘勢北竄現已嚴飭慶成令其戴罪
立功此次祇因該處防兵尙未調齊是以姑從寬
恕儻此後慶成再有疎虞伊係棄瑕錄用之人斷

無再爲寬貸之理但帶兵大員祇此數人一經革職治罪又委何員接辦乎可見經畧之移營不可輕率况汝決非這邈退縮之輩又如伍逆餘匪不過數百人卽合之冉逆亦祇千餘而桑吉斯塔爾穆克登布汪啟等帶領兵勇一萬有餘以十倍於賊之突剿千餘窮竄之賊曠日持久至今尙未剿淨似此與賊相持豈不又與上年張漢潮餘黨在

南山內奔竄情事相同已節經降旨令額勒登保
嚴飭督催桑吉斯塔爾穆克登布汪啟皆係額勒
登保派剿賊匪之員如伊等果能奮勇剿捕將此
股餘匪迅速殄平伊等之功卽經畧之功儻伊等
有心逗遛貽誤軍務則伊等之罪亦卽係經畧之
罪額勒登保不可不倍加慎勉也所有南山一股
餘匪額勒登保務當遵照節降諭旨嚴行飭催倘

再有延玩卽當據寔叅奏毋稍寬假至西鄉一帶
尤關緊要雖有慶成等在彼防守但現在冬令沍
寒江水日見消涸亟應加意嚴防毋任賊匪再有
偷渡北竄之事額勒登保尤當妥爲籌畫分布嚴
密劄飭慶成等奮勇堵剿無得再有疎虞方不負
經畧之任朕厘念軍務日夜焦勞現已仲冬中澣
距歲暮不過月餘前此額勒登保曾有歲內成功

之奏今閱節次奏報情形賊股尙多究竟年內是
否可以竣事並着額勒登保通盤計籌據實覆奏
毋得徒托空言虛作寬慰之語也

二十日 戊戌

上命軍機大臣傳諭倭什布長齡曰倭什布半月以
來並未續有奏報現在楚境雖無賊匪但陝省無
食可掠又有經畧在彼督辦而川省地方團勇築

堡俱屬認真竄匪不能停留總思折回窺伺楚境
該處防堵事宜在在均關緊要況賊匪適當遠竄
之時各處寨堡卡隘正可及時整飭修補爲先事
預防之計該省原有兵丁爲數本屬不少昨又將
兩粵官兵交長齡帶回聲勢更爲壯盛可以聯絡
布置現在兵數共有若干其疲乏者自應酌令歸
伍所有離賊較遠之處從前原設防堵官兵當相

度形勢或併歸緊要卡隘或酌量裁撤其楚省與
川陝毗連地方何處最爲扼要何路必須嚴防皆
係倭什布分內應辦之事何以許久總未見奏報
殊爲不解再本年楚省餉銀朕皆不待伊等奏請
先行籌撥發往者爲數不下百萬現辦防堵事宜
駐守官兵尙多應用糧餉亦須源源接濟該省原
領餉銀若干其支用者共計若干核之現在官兵

所需是否尙足敷用亦從未據倭什布奏及如果

供支無缺不煩請撥固所深願若該撫因目下需用帑項過多強作解事不肯奏請或竟有派累民間之事則大謬矣楚省民情素不安靜倘因軍需苛派別滋事端倭什布能當此重罪乎若倭什布以伊現在帶兵剿賊糧餉事宜係姜晟經理何以姜晟亦總未具奏此時楚省防堵事宜旣屬緊要

而綏輯安撫尤爲督撫專責若復任竄匪闖入及
地方民情稍不寧帖惟伊等是問慎之

二十二日

庚子

額勒登保奏言查徐添德及高馬

等逆被剿折竄連夜狂奔由洵陽之霸河黑山

先後逃向安康之狗脊關初六七等日

臣

督師

由五條梁金嶺子截剿楊遇春慶溥格布舍豐

紳等帶兵由四溝壩前進恐該匪仍由大貴壩

東竄并派令守備王英帶領鄉勇攔截楊遇春

等卽由大貴坪抄擊溫承惠因狗脊關逼近平

利縣城亦帶領兵勇趕赴平利截剿該匪聞知

四面有兵折向四郎廟西竄其磚坪蘭河口有

東出平利孟石嶺之路一面派令遊擊槐他哈

守備王英率領兵勇馳往獅子壩攔截楊遇春

等一面帶兵趕到四郎廟該匪因追剿緊急又

復分股一由杜家壩左龍溝向西路鐵爐壩奔
逃一由嵐河口大道河小道河潰竄慶溥先已
帶領兵勇趕赴磚坪蘭河口堵禦格布台豐紳

由左龍溝躡蹤剿辦連日各路俱有斬獲共計

不過三百餘人陸續逃出被脇民人甚多臣帶

領札克塔爾等由金嶺子前進正擬督率楊遇
春等合力剿辦乃於初八日行抵董家梁接據

慶成報稱冉學勝股匪近由川省邊界折回經

慶成帶兵剿殺於上月二十五日夜間由瓦脊

溝竄過江之北岸因所報人數不多已有綸布

春帶兵跟追且穆克登布桑吉斯塔爾剿辦伍

逆餘匪於深山老林中分路搜捕疊次斬獲所

剩只有二三百人現在華陽都督河一帶進剿

並查總兵汪啟帶領兵勇現在銀杏壩兜剿冉

逆如竄與伍逆合夥穆克登布等固可併力剿辦如各自奔逃已有綸布春汪啟之兵分投兼

顧臣又恐該鎮等所帶馬隊無多或該匪闌入

平衍之地不敷衝擊又派令副將游棟雲侍衛

噶拉等帶馬隊官兵二百名由安康漢陰前往

策應並札飭綸布春穆克登布汪啟等相機緊

剿剋日肅清臣仍卽帶兵由白土關平利而進

途次又據石泉令李樞煥稟報又有一股賊匪
由西鄉漁壩街過江至北岸銅磬溝等情

臣實

深焦憤此股賊匪首逆何人人數多寡尙未據
詳晰報到第查賊匪既有兩股過江穆克登布
等一時恐難顧及卽或慶成聞信進剿所慮已
在賊後倘賊匪竟致蔓延東向商雒一帶逼近
豫疆則較之竄楚倍爲緊要

臣

此時不得不以

江北爲重刻查徐添德高馬等逆已竄紫陽之
左龍溝漸行向西安康屬沿河以內亦川陝接
壤之處尙有龍苟另股賊匪在彼出沒

臣酌派

慶溥溫承惠帶領原有兵勇並另派吉林索倫
馬隊二百名又令總兵喜明馬玉魁二人管帶
廣東兵一千數百名協同慶溥溫承惠分合截
剿寧將各股賊匪逼向西竄斷勿任其東趨

臣

卽督率札克塔爾楊遇春等取道安康渡過江
北帶兵從漢陰前進極力趕剿如該匪東奔卽
由鎮安一帶迎頭截剿以遏商雒之路再臣頃
接德楞泰來信川中竄匪屢經剿潰敗竄太平
西紫一帶老林現帶兵由渡口塲大竹河進剿
看來川省賊匪均將入陝德楞泰不日自必跟
蹤前來亦可與陝中堵剿之兵兩面夾擊臣在

江之北德楞泰在江之南彼此聲勢並可遙爲
聯絡至楚境現尙有高家營分股賊匪數百人

前臣由二竹進發該匪震懾兵威潛匿山內迨

臣截剿大股自白河至洵陽入平利界後據報

該匪由竹山竄入房縣獐洛河一帶倭什布已

同孫清元等在彼剿捕長齡昨來至白土關與

臣會合臣因楚境賊匪已屬無多將其所帶馬

隊撥留五百名其餘仍令帶領由關垵入楚茲

接其來信已令副將樊雄楚帶領兩粵官兵一

同千五百名侍衛定住等帶領馬隊一百餘名留

於竹谿以備堵剿長齡已會同明亮加緊儻程

趕剿計長齡明亮現帶馬隊一千餘名合之明

亮倭什布所帶兵勇爲數已多臣已知會長齡

將該匪撲滅仍暫在楚境邊界備禦以杜別股

集賢堂書目卷之三十一
十四
賊匪闌入奏入

上命軍機大臣傳諭額勒登保曰額勒登保奏稱據

石泉令李樞煥稟報又有一股賊匪由西鄉漁壩

街過江寔爲可恨現在額勒登保以江北爲重率

同札克塔爾楊遇春等取道安康渡過江北帶兵

從漢陰前進迎頭截剿以遏商雜之路所見甚是

至竄入南山之伍逆餘匪現剩二百餘人卽合之

冉逆爲數亦屬無多而桑吉斯塔爾穆克登布綸

布春汪啟等帶領兵勇一萬有餘不啻十倍於賊

何難卽時剿滅此時額勒登保已至漢江北岸卽

當查明伊等何以日久未能辦淨之故據實具奏

再徐添德及高馬等逆並龍苟另股賊匪俱在安

康一帶川陝接壤之處奔竄額勒登保務飭慶溥

溫承惠等認真截擊並知會長麟慶成等嚴密堵

剿斷不可再任東竄復有偷渡之事此爲最要至
所稱接據德楞泰來信川中竄匪屢經剿潰敗竄
太平西紫一帶老林勢將入陝德楞泰自必跟蹤
前來可與漢南堵剿之兵兩面夾擊更爲得力且
額勒登保在漢江之北德楞泰在漢江之南彼此
聲勢聯絡布置嚴密賊匪更無從逃竄又所稱高
家營分股賊匪由竹山竄入房縣漳洛河一帶現

已降旨諭知姜晟倭什布長齡等上緊剿辦矣至
現由西鄉過江賊匪首逆究屬何人賊數共有若
干該處江岸係何員防守並着額勒登保查明先
行具奏

同日姜晟奏言

臣

於十月初十日自襄陽起身

經行穀城光化均州於十九日前抵鄖陽查得
鄖郡南臨漢江東北界連豫境正北正西二面

與陝省商南白河等縣交錯鄖西縣在郡西北隅三面界陝地居要隘該縣邊境蒿坪壩上津

堡漫川關一帶現在防守兵勇雖統計僅二千

三百餘名而團練義兵一時呼聚可得一二萬

人道員恒慶督同知縣孔繼楨調度得宜近聞

陝省間有仍竄江北零匪該道等設備嚴防似

可無虞疎失鄖縣係鄖郡首邑亦有防江義勇

數處沿江布置俱係附近民人自相聚守與河
南臬司完顏岱所帶兵勇聲勢聯絡臣因從前

賊匪竄擾鄖縣悉由黃龍灘偷渡該處寔爲最
要隨自鄖啟行帶同該縣高賜禧由花果園繞
道前赴查看現在廣西總兵德昌紮營駐守詢
據德昌告知所帶兵丁七百餘名之外鄖縣添
僱鎗勇四百名其餘灘淺處所均尚有本處義

勇防守查鮑家店距黃龍灘六十里爲陝匪入
楚來路花果園距黃龍灘三十里係均穀至二
竹要路皆鄖縣所屬該二處必須築堡團勇藉

資保聚當飭該縣勸諭速辦嗣經房縣之磬口

化口而抵竹山所過之區民居氣象均各安帖

竹山縣從前並無城垣嘉慶元年被賊蹂躪經
將軍恒瑞帶兵剿淨以范繼昌請補知縣四年

以來營建石城捐修衙署廟宇俱已次第興舉

縣城內外居民甚爲稠密而該縣與竹谿練勇
俱向稱得力現在該二縣鄉勇除隨征外另有
與官兵協同分卡守禦者爲數尙多隨時調撥
亦均定有章程查竹山縣境南北綿長八百餘
里正北迤西之青銅關黃土嶺寬坪等一帶界
連陝省白河洵陽距城二百餘里俱設卡坊堵

南接四川大寧距城六百餘里邊界過遠稍近
之馬鬃嶺適中扼要地連房縣之陰條嶺烏雲
頂五墩子等處經倭什布派令均房營叅將曹
星帶領兵勇分撥堵守該處有險可恃據該將
稟報現在整修牆濠工竣後所需兵勇數尙無
多知府王正常在任有年人本結實於所屬二
竹房保各縣邊要情形瞭如指掌連日與之熟

籌當將^臣之所見與該府計議之處詳細札致

倭什布酌定奏

聞辦理至連日據報各股賊匪尙在陝楚交界之安

康平利竹谿竹山一帶往來折竄徑畧額勒登

保總兵長齡俱督兵在陝境分路截擊倭什布

與孫清元合爲一路明亮帶吉林泰爲一路均

在二竹邊境抄迎剿辦諒此窮蹙餘氛不難迅

速掃蕩再襄鄖宜三府及荆門州各屬被賊往

來擾害市鎮村落應須建築堡寨團結練勇用

資捍衛之處臣於三月間札飭襄陽府張塔卽

就襄陽一縣繪具築堡團勇圖說通飭遵照勸

諭士民實力趕辦數月以來節據稟報並委員

查勘實在興工修葺者約計已有十之五六築

成一堡卽團練一堡之了勇大率平原堡多而

山居結寨此外尙有應行趕建各處所現在專
委原陞辰沅道田灝會同各府親加董率飭催
務期及早一律辦竣庶所在民人均知團聚守
禦以免再有驚擾并隨處曉諭練勇首領互相
勸導安分守法勿致滋生事端

姜晟又奏言

臣

欽奉

諭旨令將徐添德股匪竄至穀城之盛家埭躡淺渡

河時所有堵禦踈縱員弁嚴審定擬當卽將各
該員革職先後提解到襄訊據供出情節必須
履勘查訊始足以昭覈實時臣已擬啟程前詣

二竹隨帶同革員等順道至盛家壩黃龍灘次

第勘視並加訪察查穀城南門外有漢江支河

一道名爲雷沙盛家壩地居上游距城三十里

一帶山溪細流灘地易涉爲賊匪奔竄熟路居

民一聞有警集勇自衛寨落設有兵勇官卡其

距城三四里舟渡往來處所因相近城廂民居

舖面稠密革縣孫光先自四月到任卽與富慶

商定傳知城內每戶出了一名得七百餘人賊

近卽與兵丁上城守護城外得二千餘人分撥

布置南河沿岸排列鎗礮防守最爲嚴密八月

初七日賊匪竄入縣境之廟灘茅坪等處狂奔

急走並不焚燒裏掠富慶孫光先聞信分帶兵
勇在近城扼要之過山口泰山廟防堵初八日
午刻據報由盛家壩涉淺北竄富慶等恐其擾
近城垣卽趕回守城旋於申刻有駿馬數十人
至南河喚渡口稱官兵衆義勇俱知賊走盛家
壩一路官兵自必跟追恐係馬賊捏冒分股前
來報知富慶孫光先往查果係官兵明亮帶同

大隊旋亦踵至該處船隻本屬無多又因賊近
慮有疎虞趨往漢江北岸大營兵馬衆多以致
濟渡耽延時刻明亮曾將富慶等加之呵斥是
夜卽在城外教場紮營據富慶孫光先供悉前
情傳詢該典史蘇昶並紳勇阮明信張之槐等
僉供無異至鄖縣屬之黃龍灘由漢江南岸陡
河口溯流而上距河口六十里爲路通竹山之

支河其間節節皆灘水落易於褰涉訊據革職
巡檢黃士杰供稱八月十一日賊從均州折回

伊先已齊集義勇在西岸防堵賊人乘夜從黃
龍灘東岸擁來義勇開放鎗礮賊卽退走不料

四更時繞到上游過樓溝松樹灘偷渡迨趕往
堵截馬步賊匪已過去無數義勇鎗礮齊發擊
死賊匪數十名捉獲十二名次日將軍帶兵趕

至差官查驗賊屍當將捉獲十二人提往大營
審明分別正法釋放實因河水太淺無險可守
又在黑夜以致賊匪大股偷竄過去等語訊據
該處士民張丕傑劉永瞳等供稱黃龍灘至皮
鼓灘一帶五十餘里實有團勇三千餘人想來
賊營必有被裏附近民人引路是以得知水淺
敢於黑夜偷過等語

臣

當派外委等逐節騎馬

試探所有皮鼓灘及過樓溝松樹灘等處中間
可通舟行處水深亦僅一尺三四寸復檢核鄖
縣知縣高賜禧當日稟報情形均屬相符

臣查

富慶孫光先因賊匪逼近同督兵勇設守城垣
一聞官兵猝至卽時趕往照料委因一時船少
是以兵馬過渡稍遲訊非捏飾但均係守土專
員於本境要隘並不設備固防一任賊匪往來

無忌其黃龍灘一帶雖屬河水淺涸但義勇人
數既多且究有河可恃賊匪屢次躡涉巡檢黃
士杰亦不能督率堵禦均非尋常踈玩溺職可
比應將已革遊擊富慶知縣孫光先巡檢黃士
杰一件請

旨交與倭什布分派邊防卡隘隨同効力當差如再
懈忽滋咎卽行加倍治罪以昭懲儆再查本年

閏四月間陝匪楊開甲等竄入鄖西蒿坪地方
有義首武生守備職銜陳必富千總職銜柯隆

忠帶同義勇首先迎剿殺賊甚多旋因力戰陣

亡當經該縣孔繼榘稟報臣卽批飭留防局照

例彙辦茲復據知府王正常稟稱陳必富柯隆

忠二人年來督勇剿賊勞績最著爲逆匪所深

怨被害時備遭慘毒鄖西士民至今言及無不

流涕等語臣察訪屬寔可否仰邀

優恤以慰忠魂而愜輿情出自

聖主天恩

姜晟又奏言查鄖陽改設鎮道一事奉

旨悉心籌議臣於鄖陽竹山兩處地方情形業已勘

察明晰竹谿邊境綿長未遑周歷亦已講求得

其梗概鄖陽一協額兵六百七十九名分撥鄖

陽及郎西保康三處訊防外存城不過三百餘
名本屬過少竹山竹谿各設額兵四百八十名
均房營額兵七百三十名各立叅遊專營若郎
陽改協爲鎮則各營均就近有所統率其間將
弁兵丁移駐分合各事宜業經咨商提臣議有
成規核之部咨原議有詳無畧其鎮標兵數過
少擬以現設新兵八百四十名一併添入如再

不敷或於督撫兩標酌移名糧四五百分合計

鎮標各營可得額兵三千三四百名洵足以壯

聲威而嚴守備其鄖鎮建署駐兵原議於竹山

竹谿擇要安設查鄖郡至竹谿五百餘里竹谿

去房保亦較遠惟竹山地屬適中距竹谿房縣

均止二百里內外離郡城亦僅三百餘里平時

考驗操防徵調俱爲便易修建衙署兵房地面

亦尙寬展似應於竹山駐鎮爲宜至添設道員

一節

臣

查卽陽本屬簡缺所屬六縣內保康房

縣事務已屬無多而卽陽卽西竹山竹谿民情

更爲醇良卽今曾被賊擾之市鎮鄉村商民俱

如常樂業陝屬竄匪瞬息掃淨則卽郡各屬一

切頓復舊觀若設道事在必需自不得憚煩惜

費茲

臣

再三籌度如康熙十二年裁撤撫治以

後百二十餘年來鄖陽闔郡安順處常不聞廢
事似未便以適然之醜類遽事更張且漢黃德

道所轄多係繁郡而又責在防江原議歸併糧
鹽二道分巡查鹽道已兼轄武昌首郡糧道按
年押運北上往還數月勢難常川兼顧屬郡

臣

前在省曾與司道商及僉稱漢黃道缺難以移
汰是添設者未見其益裁移者徒虞有損亦非

慎重官司之道臣愚以爲治事惟在得人今鄖

陽卽改協爲鎮駐劄竹山屯住多兵該守有約

束經理之責漢江上通陝省本爲水陸衝途應

將鄖陽府改爲衝繁難要缺如遇缺出於通省

知府中遴選實在賢能之員調補凡巡防緝捕

諸務悉與鎮臣通商辦理而安襄鄖荆道所轄

荆門直隸州距省較近一應案件例不由道勘

轉安陸府政事亦簡襄鄖相距五百里一水可
通應卽照防邊之例更番巡歷况鄖郡秋錄例
應該道往審更可隨時親赴稽查彈壓則添設
道員之議似可停止以省紛更臣悉心酌議伏
祈

訓示奏入

上命軍機大臣傳諭姜晟倭什布長齡曰姜晟自前

月遞到奏報已閱四旬本日始由四百里遞到各
摺朕逐加披閱不過查勘鄖竹一帶防守情形及
將一切事件彙總具奏並不仰體朕日夜懸盼殷
懷實太遲緩姜晟著傳旨申飭若再如此延玩嚴
譴卽至矣現據額勒登保奏高家營分股賊匪前
此潛匿楚境山內迨額勒登保由白河洵陽入平
利界後該匪自竹山竄入房縣地方等語而姜晟

此次摺內並未提及前據倭什布奏稱楚省已無賊匪邊界廓清如果屬實何以房縣又有竄匪逸入之事且該匪潛匿山內日久何以地方官全無知覺抑係明知有賊潛匿不行具報姜晟倭什布屢次奏報俱以籌辦防守爲詞今賊匪仍在山內該督等尙未聞知是所謂防堵者仍不過紙上空談並未實力奉行地方官疲玩積習不可不查明

示懲姜晟雖已調任直隸總督而書麟到楚尙需

時日一切剿堵事宜本係總督專責此時楚境旣

有賊匪自應迅速殲除淨盡或剿逼出境方可實

力防堵長齡所帶吉林黑龍江兵丁額勒登保祇

留五百名其餘勁兵仍屬長齡管帶姜晟當知會

長齡倭什布明亮會商速將房縣竄匪剋期剿淨

不使再有蔓延至額勒登保已過漢江北岸追擊

賊匪漢江以南高馬二逆及各匪衆聞知此信或

又思竄入楚境均未可定是此時楚省防堵最爲

緊要姜晟倭什布等尤應督率所屬實力嚴防不

使一名竄近倘堵禦稍疎致陝省賊匪乘間闖入

則姜晟倭什布等恐不能當此重罪也所有本年

閏四月間陣亡之義首守備銜陳必富千總銜柯

隆忠俱着姜晟咨部各照原銜賜卹其從前賊匪

躔淺渡河不能堵禦之已革遊擊富慶知縣孫光
先巡檢黃士杰旣經姜晟審明並非退縮且黃士
杰曾齊集義勇施放鎗礮賊卽退走嗣因賊匪繞
道偷渡亦已革職著卽照該督所請交與倭什布
分派各卡隘効力當差如再有懈忽卽行奏明加
倍治罪又據奏鄖陽改設鎮道一節俟書麟抵楚
後姜晟卽移交書麟核議再行具奏請旨可也